

Broj: UP/I-05-13-1-342/24
Mostar, 04.09.2024. godine

11-09-2024

Federalno ministarstvo energije, rudarstva i industrije, na osnovu člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), člana 42. stav (4) Zakona o električnoj energiji Federacije Bosne i Hercegovine („Službene novine Federacije BiH“, broj 60/23) i člana 23. stav (4) Pravilnika o izdavanju energetske dozvole (Službene novine Federacije BiH“, broj 51/24) postupajući po zahtjevu privrednog društva „MAJD 2“ d.o.o., Ljubuški sa sjedištem Vukovarska 14, Ljubuški u predmetu izdavanja Energetske dozvole za izgradnju energetskog objekta „GAJ 2“ od 17.07.2024. godine i dopune zahtjeva od 23.07.2024. godine, donosi:

R J E Š E N J E

1. Izdaje se ENERGETSKA DOZVOLA privrednom društvu „MAJD 2“ d.o.o., Ljubuški, za izgradnju solarne fotonaponske elektrane „GAJ 2“, instalisane snage 3,48 MW, odobrene snage priključenja 3,48 MW, planirane godišnje proizvodnje električne energije od 5,287 GWh, a koja se planira graditi na području grada Ljubuškog.
2. Energetska dozvola iz tačke 1. dispozitiva ovog rješenja izdaje se na period važenja od pet godina. Važenje energetske dozvole može se produžiti za period koji ne može biti duži od perioda važenja ove dozvole, nakon čega se više ne može produžavati.
3. Planirano vrijeme izgradnje elektrane iz tačke 1. dispozitiva ovog rješenja je 2025 godina.
4. Imalac dozvole dužan je da saraduje i postupa po zahtjevima Ministarstva za dostavljanje podataka, te da obavijesti Ministarstvo o svim nastalim promjenama u vezi sa ispunjenjem kriterija za izdavanje energetske dozvole.
5. Imalac dozvole dužan je nakon završetka izgradnje elektrane o tome obavijestiti Ministarstvo i dostaviti odobrenje za upotrebu.
6. Ovo rješenje stupa na snagu danom donošenja i objavljuje se na web stranici Ministarstva.

O b r a z l o ž e n j e

Privredno društvo „MAJD 2“ d.o.o., Ljubuški se zahtjevom od 17.07.2024. godine i dopuni zhtjeva od 23.07.2024. godine, podnesenim u propisanoj formi i obrascu, obratilo Federalnom ministarstvu energije, industrije i rudarstva (u daljnjem tekstu: Ministarstvo) za izdavanje energetske dozvole za izgradnju solarne fotonaponske elektrane „GAJ 2“, instalisane snage 3,48 MW, odobrene snage priključenja 3,48 MW, planirane godišnje proizvodnje električne energije od 5,287 GWh, a koja se planira graditi na području grada Ljubuškog, u skladu sa članom 42. stav (4) Zakona o električnoj energiji Federacije Bosne i Hercegovine („Službene novine Federacije BiH“, broj 60/23 – u daljem tekstu Zakon) i člana 23. stav (4) Pravilnika o izdavanju energetske dozvole (Službene novine Federacije BiH“, broj 51/24 - u daljem tekstu Pravilnik).

Uz predmetni zahtjev dostavljena je sljedeća dokumentacija:

- Ugovor o koncesiji za izgradnju i korištenje fotonaponske elektrane „GAJ 1“ na lokaciji Hrašljani, općina Ljubuški, broj: 01-505-5/23-10 od 15.06.2023. godine potpisan između Vlade Zapadnohercegovačke županije i „MAJD 2“ d.o.o.,
- Rješenje o izdavanju lokacijske dozvole, Up. Broj: 05/1-23-3-818/2023 od 05.09.2023. godine, izdatu od Službe za prostorno uređenje, imovinsko-pravne i katastarske poslove, Grada Ljubuškog,
- Obavijest da nije potrebno dalje provođenje postupka procjene uticaja na okoliš, broj: 05/2-19-5-271/24 od 01.04.2024. godine, izdato od Federalnog ministarstva okoliša i turizma,
- Uslovi za priključak korisnika na prenosnu mrežu, br: 101/24, bro:03-8734-19/2023 od 13.02.2024. godine izdati od Elektroprijenos a.d. Banja Luka;
- Izjavu o prihvatanju uslova za priključak korisnika a prenosnu mrežu 110 kV, 220 kV i 400 kV, od 05.03.2024. godine;
- Rješenje o zabilježbi u koloni Upisi u C lista zk. ul. broj: 1734 k.o. Hrašljani, postojanja prava i obaveze iz Ugovora o koncesiji za izgradnju i korištenje fotonaponske elektrane „GAJ 2“ na lokaciji Hrašljani, broj: 063-0-DN-24-001 032 od 03.06.2024. godine, izdat od Zemljišnoknjižnog ureda Općinskog suda u Ljubuškom.

Uvidom u podneseni zahtjev ovo Ministarstvo je utvrdilo da je zahtjev potpun u skladu sa članom 17. Pravilnika, te pristupilo ocjeni kriterija za izdavanje energetske dozvole propisanih članom 4. Pravilnika koji se odnose na:

- vrstu i korištenje primarnih izvora energije;
- sigurnost elektroenergetskog sistema, postrojenje i prateće opreme;
- mogućnost priključene na elektrenergetski sistem;
- lokaciju i upotrebu zemljišta;
- zaštitu okoliša i osiguranje trajne kontroje uticaja na okoliš;
- energijsku efikasnost;
- kvalifikovanost podnosioca zahtjeva;
- doprinos ispunjenju ciljeva u korištenju obnovljivih izvora energije;
- doprinos smanjenju emisija stakleničih i štetnih gasova i čestica.

Na osnovu priložene dokumentacije dostavljene uz zahtjev, Ministarstvo je utvrdilo da su ispunjeni kriteriji za izdavanje energetske dozvole, te u skladu sa čl. 19. i 20. Pravilnika, Ministarstvo je utvrdilo nacrt energetske dozvole, broj: 05-13-1-24/24 od 09.08.2024. godine, obavijestilo podnosioca zahtjeva pisanim putem o utvrđenom nacrtu energetske dozvole za izgradnju solarne fotonaponske elektrane GAJ 2“, instalisane snage 3,48 MW, odobrene snage priključenja 3,48 MW, planirane godišnje proizvodnje električne energije od 5,287 GWh, a koja se planira graditi na području grada Ljubuškog, te objavilo Obavještenje za javnost na svojoj internet stranici.

U roku za dostavljanje komentara, naznačenom u Obavještenju za javnost, Ministarstvo nije zaprimilo komentare na utvrđeni nacrt energetske dozvole, kao ni zahtjev za sticanje statusa umješaača od strane zainteresovanih lica. U skladu sa članom 22. Pravilnika, Ministarstvo je odlučilo da nije potrebno održati javnu raspravu u postupku izdavanja energetske dozvole za izgradnju solarne fotonaponske elektrane „GAJ 2“, instalisane snage 3,48 MW, odobrene snage priključenja 3,48 MW, planirane godišnje proizvodnje električne energije od 5,287 GWh, a koja se planira graditi na području grada Ljubuškog.

Na osnovu navedenog, a u skladu sa članom 23. stav (4) Pravilnika, odlučeno je kao u dispozitivu ovog rješenja.

Podnosilac zahtjeva uplatio je federalnu upravnu taksu propisanu Zakonom o federalnim upravnim taksama i Tarifni federalnih upravnih taksi („Službene novine Federacije BiH“, br. 6/98, 8/00, 45/10, 43/13 i 98/17), na podnijeti zahtjev po tarifnom broju 24.a u iznosu od 10,00 KM.

Pouka o pravnom lijeku

Ovo rješenje je konačno u upravnom postupku i protiv njega nije dozvoljena žalba, ali nezadovoljna stranka može pokrenuti upravni spor podnošenjem tužbe. Tužba se podnosi Kantonalnom sudu u Mostaru u roku od 30 dana od dana prijema ovog rješenja. Uz tužbu se prilaže i ovo rješenje u prepisu ili kopiji.

MINISTAR

Vedran Lakić

